

## » Mae Cymru oll mewn cyfnod o gyfyngiadau symud (lefel rhybudd 4). **Beth sydd angen ichi wneud ar lefel rhybudd 4.**

Mae'r DU wedi gadael yr UE. [Ewch i Paratoi Cymru i weld sut y gall hyn effeithio arnoch chi.](#)

Cuddio X

Hafan > Hysbysiadau > Holl hysbysiadau >

Datganiad Ysgrifenedig: Ymateb i adroddiad y Bwrdd Gwaith Ieuencid Dros Dro: Mae'n Bryd Cyflawni Dros Bobl Ifanc yng Nghymru

DATGANIAD CABINET

# Datganiad Ysgrifenedig: Ymateb i adroddiad y Bwrdd Gwaith Ieuencid Dros Dro: Mae'n Bryd Cyflawni Dros Bobl Ifanc yng Nghymru

Kirsty Williams AS, y Gweinidog Addysg

Cyhoeddwyd gyntaf:  
11 Ionawr 2021

Diweddarwyd ddiwethaf:  
11 Ionawr 2021

Rwy'n croesawu adroddiad y Bwrdd Gwaith Ieuencid Dros Dro, 'Mae'n Bryd Cyflawni Dros Bobl Ifanc yng Nghymru'. Rwy'n ddiolchgar iawn i'r Cadeirydd, Keith Towler, aelodau'r Bwrdd, Grwpiau Cyfranogiad y Strategaeth a'r sefydliadau gwaith ieuencid ledled Cymru yr ydym yn eu gwerthfawrogi cymaint, ac rwyf wrth fy modd yn clywed am y momentwm positif sy'n cynyddu ar draws y sector.

Rhannu'r dudalen hon: [Twitter](#) [Facebook](#) [@](#)

Mae'r adroddiad yn dangos y cynnydd sydd eisoes wedi'i wneud, a bod mwy o waith i'w wneud yn 2021 er mwyn sicrhau model gwaith ieuencid cynaliadwy a chyffredinol ar gyfer holl bobl ifanc Cymru. Er bod y pandemig wedi arafu'r cynnydd o ran gwaith strategol y Bwrdd wrth gwrs, wrth ddechrau rhoi blaenoriaeth i roi cymorth hanfodol i weithlu gwaith ieuencid, roedd cryfder y sector yn dal yn amlwg, a gwelwyd hyn drwy'r cydweithio mwy ar draws sectorau.

Roedd yn wych gweld y sectorau yn arwain yr ymateb i anghenion y gweithlu ar ddechrau'r pandemig ac yn helpu i baratoi'r canllawiau ar gyfer gwaith ieuencid yn sgil Covid-19. Gwelwyd rhai enghreifftiau arbennig o waith ieuencid digidol arloesol sydd wedi cefnogi pobl ifanc a'r gweithlu drwy gydol y pandemig, ac mae hyn wedi tynnu sylw at bwysigrwydd gwaith ieuencid digidol. Mae'r pandemig, a'r gwaith cryf sydd wedi'i wneud yn ystod y cyfnod anodd hwn, hefyd wedi dangos pwysigrwydd gwaith ieuencid i sectorau eraill megis tai ac iechyd. Fodd bynnag, rwy'n cydnabod mor aruthrol anodd y mae hi wedi bod i bobl ifanc a'r gweithlu gwaith ieuencid mewn llawer o achosion. Hoffwn ddiolch i weithwyr ieuencid ar draws y sectorau statudol a gwirfoddol am eu gwaith caled drwy gydol y pandemig, a thalu teyrnged i'r ffordd y maent wedi addasu ac esblygu er mwyn cefnogi pobl ifanc yn y cyfnod anodd hwn.

Rydym eisoes wedi cymryd camau sylweddol i weithredu ar sail canfyddiadau ymchwiliad 2018 y Pwyllgor Plant, Pobl Ifanc ac Addysg i waith ieuencid. Mae **Strategaeth Gwaith Ieuencid Cymru** 2019, a gefnogir gan y Bwrdd a rhanddeiliaid ar draws y sector, yn tynnu sylw at ein gweledigaeth i sefydlu arlwy cyffredinol o ran gwaith ieuencid, sy'n seiliedig ar eu hawliau, lle mae pob person ifanc yn ffynnu, a chanddynt fynediad at ystod amrywiol o gyfleoedd, gyda chefnogaeth gweithlu amrywiol a medrus. Mae'r Bwrdd a Grwpiau Cyfranogiad y Strategaeth wedi dechrau'r gwaith hollbwysig o weithredu amcanion y Strategaeth yn unol â'n hymrwymiad i argymhellion yr ymchwiliad. Mae wedi bod yn glir yn ystod y cyfnod byr hwn fod y Bwrdd wedi cymryd camau sylweddol, gan ddod â'r sector at ei gilydd, diolch i'r unigolion diwyd, penderfynol sydd wedi bod wrth y gwaith.

Mae'n beth cadarnhaol iawn gweld pobl ifanc yn ymgysylltu â gwaith y Bwrdd a Llywodraeth Cymru, o ddarparu tystiolaeth ar gyfer yr adroddiad ar ddamcaniaeth newid mewn perthynas â gwaith ieuencid i feirniadu un o Wobrau Rhagoriaeth Gwaith Ieuencid. Mae cynnydd y Bwrdd o ran sefydlu pwyllgor pobl ifanc yn ganolog er mwyn sicrhau rôl allweddol pobl ifanc yn y gwaith strategol.

Roedd yn braf gweld **Adroddiad Gwerth Hyfforddiant Gwaith Ieuencid** Estyn a'r canfyddiad bod 'cymwysterau gwaith ieuencid yn arfogi myfyrwyr â chefnidir cadarn mewn arfer gwaith ieuencid, ac yn rhoi iddynt y medrau sydd eu hangen arnynt i gyflawni yn eu proffesiwn'. Edrychaf ymlaen at weld sut bydd gwaith Grwpiau Cyfranogiad y Strategaeth yn adlewyrchu hyn. Rhaid inni edrych yn ofalus hefyd ar sut y gallwn gynyddu'r gwasanaethau sy'n cael eu darparu drwy'r Gymraeg a sut y gallwn helpu i gyflawni Cymraeg 2050.

Edrychaf ymlaen at weld sut y gall y Bwrdd adeiladu ar y cynnydd sylweddol a wnaed eisoes o ran y weledigaeth hirdymor ar gyfer model cynaliadwy i gyflawni gwaith ieuencid yn ei adroddiad terfynol yn 2021. Hoffwn ailddatgan fy ymrwymiad i gyflawni'r weledigaeth sydd i'w gweld yn y Strategaeth Gwaith Ieuencid, ac edrychaf ymlaen at barhau i gydweithio â'r Bwrdd i hybu'r cynnydd ar draws y sector, fel y gallwn sicrhau gwasanaethau gwirioneddol effeithiol i bobl ifanc ledled Cymru.

En – <https://gov.wales/interim-youth-work-board-report-time-deliver-young-people-wales>

Cy – <https://llyw.cymru/adroddiad-bwrdd-gwaith-ieuencid-maen-bryd-cyflawni-dros-bobl-ifanc-yng-nghymru>

**Cyhoeddwyd gyntaf**

11 Ionawr 2021

**Diweddarwyd ddiwethaf**

11 Ionawr 2021

[Adrodd am unrhyw beth sy'n bod gyda'r dudalen hon](#)

← Rhannu'r dudalen hon

↗ Nôl i dop y dudalen

Cysylltu â ni   Hygyrchedd   Datganiad hawlfraint   Cwcis   Preifatrwydd   Telerau ac amodau leithoedd amgen